

**BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
GRAD ZENICA  
Gradonačelnik**

Na osnovu člana 15. stav 1) tačka 2. Zakona o principima lokalne samouprave u Federaciji Bosne i Hercegovine ("Službene novine Federacije Bosne i Hercegovine" br. 49/06 i 51/09), člana 34. Statuta Grada Zenica ("Službene novine Grada Zenica broj 5/15) i Zakona o poticaju razvoja male privrede (Službene novine FBiH br. 19/06, 25/09), Gradonačelnik objavljuje:

**JAVNI POZIV  
poslovnim bankama za plasman kreditne linije uz subvencionisanje dijela kamatne  
stope za subjekte male privrede koji posluju na području Grada Zenica**

Pozivate se da dostavite ponudu za pružanje bankarske usluge: "Plasman kreditne linije uz subvencionisanje dijela kamatne stope subjektima male privrede sa područja Grada Zenica iz sredstava budžeta Grada Zenica za 2018. godinu“.

U cilju provođenja ove kreditne linije, za subvencionisanje dijela kamatne stope Grad Zenica obezbjeđuje sredstva u iznosu od 100.000,00 KM. Prilikom izbora banke posebno će se vrednovati:

- a) **Finansijski obim kreditne linije,**
- b) **Ponuđena visina kamatne stope,**
- c) **Ponuđena visina troškova obrade kredita,**
- d) **Broj uspješno implementiranih kreditnih linija podrške privredi na području Zeničko-dobojskog kantona čiji su karakter i kompleksnost slični onima koji se odnose na ovaj javni poziv.**

**I PREDMET POZIVA**

- a) Predmet javnog poziva je prikupljanje ponuda za izbor banke – partnera za plasiranje kreditne linije sa subvencionisanim dijelom kamatne stope subjektima male privrede sa područja Grada Zenica. Grad Zenica je obezbijedio budžetska sredstva u 2018. godini za subvencionisanje kamatne stope za vrijeme cijelog perioda kreditiranja, a Banka će obezbijediti kreditna sredstva subjektima male privrede. Ugovorom između Grada Zenica i izabrane banke će se regulisati pravo privrednih subjekata na podnošenje prijave za kreditna sredstva iz ove kreditne linije, visina kreditnih sredstava, visina i način realizacije subvencionisanja kamatne stope, te način monitoringa i izvještavanja Grada Zenica o implementaciji kreditne linije. Krajni rok za realizaciju ugovora je 31.12.2018. godine.
- b) Pojam subjekti male privrede podrazumijeva fizička i pravna lica, koja trajno obavljaju zakonom dozvoljene djelatnosti radi ostvarivanja dohotka odnosno dobiti, na način kako je propisano Zakonom o poticaju razvoja male privrede (Službene novine FBiH br. 19/06, 25/09)
- c) Sredstva budžeta Grada Zenica namijenjena su subjektima male privrede za 2018. godinu i ne mogu se koristiti kao podsticajna sredstva za sljedeće djelatnosti:

ugostiteljska, proizvodnja oružja i vojne opreme, proizvodnja duhanskih proizvoda i alkoholnih pića, primarna poljoprivredna proizvodnja, otvaranje kasina i organizovanje drugih igara na sreću.

## II OBAVEZE BANKE

- a) Banka je obavezna da nakon zaključivanja Ugovora objavi Javni poziv za dodjelu podsticajnih kreditnih sredstava;
- b) Po isteku javnog poziva za izbor korisnika poticajnih kreditnih sredstava, banka razmatra zaprimljene prijave aplikacija u skladu sa Ugovorom i Javnim pozivom, te provodi druge aktivnosti u skladu sa aktima Banke;
- c) Banka zaključuje ugovore sa korisnicima kreditnih sredstava i jedan primjerak ugovora dostavlja Gradu Zenica;
- d) Odobreni kredit po jednom korisniku se ograničava na maksimalni iznos do 500.000,00 KM sa maksimalnim rokom otplate u zavisnosti od visine kreditnog zahtjeva od 12 do 48 mjeseci;
- e) Banci pripada prihod od kamata po odobrenim kreditima i troškova obrade kredita, provizija za raniji povrat kredita, kao i ostali troškovi koje snosi korisnik kredita.
- f) Banka u potpunosti snosi rizik naplate odobrenih poticajnih kreditnih sredstava – glavnice i pripadajuće kamate;
- g) Banka se obavezuje mjesečno izvještavati Grad Zenica o namjenskom trošenju kreditnih sredstava u formi koju usaglase Ugovorom. Banka će voditi posebnu računovodstvenu evidenciju za sve korisnike po ovoj kreditnoj liniji;
- h) U skladu sa Ugovorom korisnici sredstava su dužni dostaviti banci dva primjerka Izvještaja sa dokazima o namjenskom utrošku sredstava u roku i na način propisan Ugovorom, nakon čega banka jedan primjerak Izvještaja sa dokazima dostavlja Gradu Zenica.

## III MJESTO I NAČIN PODNOŠENJA PONUDE

Ponuđač dostavlja ponudu u originalu i podnosi je u zatvorenoj koverti. Ponude se predaju na protokol Grada Zenica ili putem pošte, u zatvorenoj koverti na kojoj na prednjoj strani koverta mora biti navedeno:

**Naziv:** Grad Zenica, Služba kabineta Gradonačelnika

**Adresa:** Trg BiH br. 6, 72000 Zenica

**Na koverti obavezno naglasiti: Ponuda za pružanje bankarskih usluga plasmana kreditnih sredstava "NE OTVARAJ".**

**Na poledini koverta obavezno se navodi: Naziv podnosioca ponude, adresa i kontakt-telefon, te se ovjerava pečatom.**

Ponuda, bez obzira na način dostavljanja, mora biti zaprimljena u Gradu Zenica do datuma, vremena i adresi navedenoj u javnom pozivu. Sve ponude zaprimljene nakon tog vremena su neblagovremene i kao takve, neotvorene će biti vraćene ponuđaču. Ponuda se čvrsto uvezuje na način da se onemogućí naknadno vađenje ili umetanje listova. Stranice ponude se označavaju brojem na način da je vidljiv redni broj stranice.

## IV USLOVI ZA UČEŠĆE

### Opšta dokumentacija:

- a) Rješenje o upisu u sudski registar;

- b) Dokaz o dozvoli za rad (licenca) od Agencije za bankarstvo FBiH;
- c) Certifikat Agencije za osiguranje depozita;
- d) Porezni, PDV i identifikacijski broj;
- e) Uvjerenje o izmirenim porezima i doprinosima kojim se potvrđuje da se uredno izmiruju direktni porezi, doprinosi za PIO/MIO i zdravstveno osiguranje izdato od Poreske uprave Federacije BiH ne starije od tri mjeseca od dana podnošenja prijave;
- f) Dokaz o adekvatnosti kapitala na dan 31.12.2017. godine koja ne smije biti manja od 16%;
- g) Izjava da je banka bila profitabilna u prethodne 3 godine;
- h) Uvjerenje nadležnog suda ili organa uprave kod kojeg je ponuđač registrovan kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti, u skladu sa važećim propisima u Bosni i Hercegovini;
- i) Izjava da visina kapitala na dan 31.12.2017. godine nije manja od 100 miliona KM;
- j) Izjava da je volumen rasta aktive min. 10% u 2016/2017 godine kao opredijeljenost za podršku privredi, novim finansiranjima, podrška novim projektima i razvoju ekonomije;
- k) Izjava o uspješnoj implementaciji ne manje od pet (5) sličnih projekata implementiranih u saradnji sa lokalnim zajednicama i kantonima u FBiH u prethodnih 5 godina;
- l) Kompletan set finansijskih izvještaja u skladu sa Odlukom u formi izvještaja koje banke dostavljaju Agenciji za bankarstvo za 2017 godinu.

Sve kopije dokumenata koje se prilažu moraju biti ovjerene od strane nadležnog tijela uprave ili notara, ovjerom ne starijom od tri (3) mjeseca, računajući od dana objave javnog poziva.

#### **Posebna dokumentacija:**

- a) Uspješno iskustvo u realizaciji ugovora čiji su karakter i kompleksnost slični onima koji se odnose na ovaj javni poziv, pružanje bankarskih usluga pravnim licima.
- b) Mogućnost prisutpa ili osiguran pristup tehničkim objektima i opremi koji će biti na raspolaganju za izvršenje ugovora, odnosno minimalno jednu filijalu ili podružnicu na području grada Zenica.

#### **IV ROK ZA PODNOŠENJE PONUDA NA JAVNI POZIV**

**Rok za dostavljanje ponuda je 7 (sedam) dana od dana objave javnog poziva u jednom dnevnom listu i na web stranici Grada Zenica.** Prijave primljene nakon isteka roka neće biti razmatrane.

#### **V OCJENA I IZBOR PONUDE**

Izbor banke za plasman kreditne linije uz subvencionisanje dijela kamatne stope od Grada Zenica za subjekte male privrede koji posluju na području grada Zenica provodi Komisija koju u skladu sa zakonskim propisima i navedenim Pravilnikom imenuje Gradonačelnik grada Zenica. Kriteriji koje će imenovana Komisija primjenjivati za ocjenu i izbor ponude su:

##### **Kriterij, procenat, broj bodova**

1. Finansijski obim kreditne linije, 50%, 50
2. Ponuđena visina kamatne stope, 35%, 35

3. Ponuđena visina troškova obrade kredita, 5%, 5

4. Dosadašnja iskustva banke u implementaciji kreditnih linija 10%, 10 sa subvencionisanom kamatnom stopom

Sve banke, učesnice na javnom pozivu, bit će obaviještene o odluci Ugovornog organa i o rezultatu javnog poziva, u roku od 7 (sedam) dana od donošenja odluke.

**Ugovor se dodjeljuje Banci koja je u skladu sa navedenim kriterijima dostavila ekonomski najpovoljniju ponudu.**

## **VI OSTALE ODREDBE**

U postupku po javnom pozivu Grad Zenica ne snosi nikakve troškove učesnika javnog poziva, te zadržava pravo da poništi javni poziv, ili da odbaci sve ponude, u bilo koje vrijeme prije zaključenja ugovora. Grad Zenica ne snosi odgovornost prema učesnicima javnog poziva, u pogledu aktivnosti koje su preduzeli u cilju apliciranja. Podnosiocu ponude koja udovoljava formalno-pravnim uslovima iz javnog poziva, a koji bude odbijen zbog manje ocjenjene ponude na njegov pismeni zahtjev, Grad Zenica će obrazložiti razloge zbog kojih isti nije odabran. Prispjela dokumentacija se ne vraća podnosiocu ponude.

Sve dodatne informacije vezane za javni poziv mogu se dobiti svakim radnim danom putem telefona 061/ 977-035 i 032/ 449-413.